

增補註

高青邱全集

五言古詩
卷五

69
72

館書圖京東				
一	七		六	
二	二		九	
冊	號	架	函	類門

青邱高季迪先生詩集目錄

卷七

五言古詩

曉臥丁校書西軒

水上盥手

贈漫客

晝睡甚適覺而有作

秋日端居

夢鍾離兩兄
雨中留徐七賁

看刈禾

晚步遊褚家竹潭

召修元史將赴京師別內

早發土橋

車過八岡

寓天界寺雨中登西閣

送陳四秀才還史


送聯書記東歸

送禮部傅侍郎赴浙西按察

對園柳

僕至得二女消息

菊鄰



出城東見古松流水坐憩久之 夜坐天界西軒

京師嘗吳縷 為因師題松梢飛瀑圖

送周四孝廉後酒醒夜聞雁聲 答內寄

真氏女有序 送李架閣赴山西行省

送王哲判官之上黨 登句容僧伽塔望

茅山 贈楊滎陽 寺中早秋

天界玩月有序 寄題鄞縣青山寺鐘秀樓

曉出趨朝 送顧式歸吳 御溝觀鷺

夢姊 答定水寺芭公 謝謝翰林留別有序

過白鶴溪 至吳松江 始歸田園二首

睡覺 與王徵士訪李鍊師遂同過師林尋

因公 效樂天 新春飲王七孝廉

家 詠軒 施君眠雲堂

臥病東館簡諸友生 答張院長雨中見

懷 暮途書見 施澤阻風

送張隱君歸耕西山 過硤石

送周將軍請老歸耕 夜登南樓觀月

送劉使君 題徐良夫耕漁軒以下二十
八首補

臯橋 賦得小吳軒贈虎邱蟾書記

寓興三首 褚彥中存耕軒 九日

過羊腸嶺 登竹竿嶺 賦得長洲苑送徐

孟岳 送金海虞 秋夜懷張參軍思

廉 送陳秀州 暮行園中

冬至夜感舊二首 春日言懷二首

雨中遊寧真道院

次韻包同知客懷

浦江鄭氏義門 送王檢校之廣東

姚牧林軒 書東圃老翁壁 題王濛聽雨樓卷

天王寺 周元公祠

青邱高季迪先生詩集卷七目錄

青邱高季迪先生詩集卷七

清 桐鄉 金 檀 星 軺 輯注
日本伊豫 近藤元粹純叔 評訂

五言古詩

曉臥丁校書西軒

起得傳聞
窗月淡欲失。嚙嚙逼初曙。屋外鳥聲多。應知有嘉樹。殘香掩幽
寢。未事澄紛慮。頗似宿東巖。僧齋竹深處。

水上盥手

有意
盥手愛春水。水香手應綠。汙汙細浪起。杜甫詩云杳杳驚魚伏。悵
悵坐沙邊。流花去難掬。

贈漫客

首二句陪起
畸人誠達生。莊子大宗師畸人者。畸於人而侔於天。聾叟亦曠士。元結自稱聾叟不蓋於人於鄰里吾安慚漫浪於人

疊用數漫字奇想
奇格
人生句以下拓開
漫奇漫交最妙

漫客乃其徒。放意在雲水。有山即漫遊。有竹仍漫止。漫吟不
求工。漫飲不須美。與物無留情。所適皆漫爾。人生本漫寄。何事
紛戚喜。與子作漫交。逍遙論茲理。

晝睡甚適。覺而有作。

閒居况懶拙。盡日無營爲。掩室聊自眠。一榻委四肢。向暄思益
昏。南窗滿晴曦。吾神誰能縶。八表從所之。殷憂常苦縶。茲焉忽
如遺。有身不自省。此外安得知。覺來鄰雞鳴。已過亭午時。帝堯元
要日在亭午如遊釣天還。史記趙世家趙簡子疾五日不知人。大夫皆懼。居二日牛
曰亭午舞。至樂不可追。我意在有適。寧願朽木蠟。猶勝夸毗子。詩無爲
塵中爭走馳。

秋日端居

秋意日蕭索。郊園霜露餘。出遊無山水。聊復守吾廬。巷轍久已

功名之人亦復如
此蕭索
爾雅釋訓夸毘體
柔也李巡曰屈已
卑身求得於人曰
隨柔

淵明後身

斷山瓢仍屢虛。非甘寂寞者。誰樂此閒居。

夢鍾離兩兄

一統志鍾離城在鳳陽府治東六
里。晉縣屬淮南郡。隋置鍾離郡。于此。

淮水去不絕。淮山與偕馳。鍾離兩遷客。路遠歸何期。孰云歸無
期。此夕乃見之。握手說辛苦。杯觴復同持。須臾忽驚別。我夢方
自知。雖夢亦足喜。況乃歸來時。

雨中留徐七賁

江寒宿雨在。落葉滿村溼。留君繫君艇。莫犯風潮急。試問欲歸
城。誰家借蓑笠。

看刈禾

農工亦云勞。此日始告成。往穫安可後。相催及秋晴。父子俱在
田。札札鎌有聲。黃雲漸收盡。曠望空郊平。日入負擔歸。謳歌道
中行。鳥雀亦群喜。下啄飛且鳴。今年幸稍豐。私廩各已盈。如何

大全集絕作極

清而真

次第說來具見慰
勞動勉之意

牧民之人宜省慮

也
有貧婦拾穗猶惇惇。

晚步遊褚家竹潭〔蘇州府志唐褚家林亭在良州松陵唱和集〕在震澤之西。

落日猶半野。閒來潭上游。非因戀幽賞。聊欲散煩憂。澄波魚唼夕。荒竹鳥吟秋。不足愚溪上。〔柳宗元愚溪詩序〕灌水之陽有溪焉。或曰冉氏。故謂之染溪。余以愚觸罪。謫瀟水上。愛是溪。入二三里。得其尤絕。故謂之愚溪。今余家是溪。而名莫能定。故更之為愚溪。胡為吾久留。

召修元史將赴京師別內。

直起
子自云云追叙
何忍句轉接赴京
王明句接佳釵
不暇句接與子辭
忽忽句以下承遺
去申寫別意
宴安句以下承不
暇顧我私申寫赴
召修史末二句
正結

承詔趣嚴駕。晨當赴京師。佳徵豈不榮。獨念與子辭。子自歸我家。貧乏一作賤久共之。閨門藹情歡。寵德不以姿。天寒室懸磬。何忍遠去茲。王明待紬文。〔太史公自序〕紬史記金匱石室之書。〔注〕紬謂綴集之也。不暇顧我私。忽忽愧子勤。為我烹伏雌。〔見卷四〕攜幼送我泣。問我旋軫時。行路亦已遙。浮雲蔽川坻。宴安聖所戒。胡為守蓬茨。我志願裨國。有遂幸在斯。加餐待後晤。勿作悄悄思。

早發土橋〔江寧府志〕上元縣急遞舖東南有土橋鎮在丹陽縣界。

土橋起 懷征句
引入早字
僕夫二句頓折
推車句落發字
高駝句以下正寫
早發
思當句以下轉出
本意 大全集時
作樂非是

空山遠無驛。逆旅聊可宿。懷征候鳴雞。燃帶續我燭。〔唐書〕皇甫無逸傳無逸嘗按部宿民家。燈炷盡。主人將續進。無逸抽佩刀斷帶為炷。其廉介如此。僕夫昨行苦。爛熳睡正熟。呼之愧忽忽。推車出茅屋。高巖尚懸斗。深谷未升旭。欲亟去反遲。怪石暗屢觸。思當在家時。日晏始舒足。胡為此行邁。霜露勞局促。王事靡敢辭。非關徇微祿。

車過八岡岡生丹陽縣。

直起
兩轅二句承上岡
二句 我行二句
承勞載二句 雖
非句以下發論
白日二句轉合
末二句反結

上岡如登天。下岡如決川。勞哉輓車夫。呀喘當我前。兩轅鬪欲摧。土石厲且堅。我行閱其憊。時下息彼肩。雖非古羊腸。〔史記〕魏世斷羊腸。拔關與。〔正義〕羊腸阪道在太行山上。實懼覆與顛。如何道路子。車來競連連。白日已傾仄。我行尚迴還。安得駕逸足。〔高適詩〕逸足橫千里。平野超飛煙。

寓天界寺雨中登西閣〔江寧府志〕天界寺在聚賢門外。晉世橋南。舊在城中。大市橋北。元名龍翔。集慶寺學。

雨中睥睨都城之景

片雲出鍾山。〔一〕統志在府城東北。〔江寧〕陰滿江東曉。幽人閣上寒。風雨啼鷓少。紅塵禁陌淨。綠樹層城繞。不為怨春徂。離懷自憂悄。

送陳四秀才還吳

君是故鄉人。同作他鄉住。同來不同返。惆悵臨分處。手把長干花。回望長洲樹。恐起憶家心。愁題送君句。

送聯書記東歸

旅寓古寺間。得與名僧居。時因簡牘暇。共誦楞伽書。〔見卷五〕倚閣山暝後。步廊月生初。屢聞真詮妙。〔雲笈七籤〕一使羈縻舒。茲晨別同袍。言旋舊精廬。〔漢書〕飛雲自無滯。愧我焉能如。東浦秋正遙。西齋夜應虛。傷離固知妄。相送聊踟蹰。

送禮部傅侍郎赴浙西按察

〔杭州府志〕洪武三年傅讓為浙江提刑按察副使。

山暝字奇

真情可掬

平平無他奇

聖主想賢哲。夫君歛來東。姓名簡睿聽。召對明廷中。彷彿似其先。夢寐相感通。〔高宗夢傳〕見秉綸坐西掖。〔韋應物詩〕秉綸歸國士。〔漢官書〕以中書在右。因謂中書為右曹。又稱西掖。

曳履遊南宮

〔王勃詩〕鳴環曳履出長廊。〔漢書〕建尚書百官府曰南宮。復輟要近

居。往試澄清功。

〔後漢書〕范滂傳。時冀州饑荒。盜賊群起。乃以滂為糾。那握使節。〔韋應物送馮著詩〕糾那南海涸。〔蘇軾懷〕炎天凜霜風。顧余謬珥筆。〔潘岳〕

〔吳美叔詩〕君持使者節。風采耀雲煙。

言笑獲屢同。無端此分袂。離抱何忡忡。

〔機詩〕優游省。言笑獲屢同。無端此分袂。離抱何忡忡。

對園柳

依依客園柳。來時未堪折。今看夏條長。上有新蟬咽。芳序惜推遷。佳人念離別。秋風莫遽起。旅思方騷屑。

僕至得二女消息

我僕持尺書。來自我故鄉。讀書意未了。呼僕問彼詳。云我兩小女。別來稍已長。大女手摻摻。窗前學縫裳。小女啼啞啞。走索瓜

旅情臨然

天真爛漫寫出如

果嘗喜翁有使歸迎門各踉蹌我坐聽此言欲慰意反傷稍近
尚爾思夏遠何能忘

菊鄰

菊本君子花幽姿可相親。清秋發孤艷似避東風塵。采采霜露
餘繁英正鮮新。車馬不過賞相看但幽人。幽人苦愛菊自是柴
桑倫。陶靖節傳陶淵明。海陽柴桑人也。閒園誰與語叢栽四為鄰。入徑朝摘遠循
籬暮觀頻。一壺每對酌折花插盈巾。殊勝處俗里歌呼醉遭嗔。

出城東見古松流水坐憇久之

空潭寒無藻瑩淨涵青天。長松百餘株扶疎繞潭邊。我行值幽
境坐賞忘歸旋。清風似相娛西來忽溼然。水動松亦鳴紛披復
淪漣。群鷗盡驚矯疑是龍吟淵。微瀾蕩餘暉流響散遠煙靜聽
意已消何須撫徽絃。韓愈詩有琴具徽絃再鼓聲愈淡。安得卜此居一謝塵中緣。

孤艷字奇
已有一壺酒愈於
柴桑先生數等

流水起 次出古
松 次倒接出城
見坐久
清風云借風絃
寫松水紛披淪漣
如耳聞目見 群
鷗二句韻 微瀾
句以下更寫一層
久之意方足 安

朝來潭上坐暮向松間眠。

夜坐天界西軒

明月出東閣照我坐前軒。諸僧夜已定寂寞與誰言。煙幔螢微
度風條蟬罷喧。清景雖堪悅終嗟非故園。

京師嘗吳粳

新杭粳如玉。集韻粳同杭。粳遠漕來中吳。史記蕭相國世家轉漕給軍注水運曰漕。十國春秋吳越世家唐寶大元年十一月。
初嘗愛精粳。說文一斛粳。九斗曰粳。想出官田租。我本東臯民。
少年習耕鋤霜天萬穗熟恣啄從飢鳥日暮刈穫歸妻孥共歡
呼茅屋夜春急風雨江村孤晨炊滿家香薦以出網鱸如今幸
蒙恩遨遊在南都門前半區田別來想已蕪長年盜寸廩。蘇軾詩我
補報一事無投匕忽歎息飽食慙農夫。本山中人。寒苦盜寸廩。

為因師題松梢飛瀑圖

直起 第二句伏
第三句點管字
第四句引出中段
我本以下追叙
急字孤字字眼
薦以句韻 如今
句略轉
門前二句反束住
中段 長年句打
轉韻面

得二句反映出城
末二句水松雙結

淡淡有致

如聽沛然聲

松風散飛瀑。夜作濤聲急。棲鶻起空山。如驚鬼神入。〔杜甫〕山浦水蒲城鬼神入。定僧寂無聽。任灑袈裟溼。

送周四孝廉後。酒醒夜聞雁聲。

別時酒忽醒。客去唯空舍。風雪雁聲來。寒生石城夜。遙憶渡江船。正泊楓林下。

荅內寄

落月入曉閨。相思不須啼。我非秋胡子。〔列女傳〕魯潔婦者。秋胡子之妻。納之五日。而官于陳。五年乃歸。未至家。見路旁有美婦人。方采桑。秋胡子悅之。下車謂曰。吾有金。願以予夫人。婦人曰。嘻。吾採桑奉二親。不顧人之金。秋胡子遂去。歸至家。其母使人呼其婦。乃向採桑者也。秋胡子見之。而驚。婦曰。辭親往仕。五年得還。乃悅。路旁婦人。以金子見之。是忘母不孝也。妾不忍見不孝之人。遂去。自投河而死。君豈蘇秦妻。〔戰國策〕蘇秦妻不。風從故鄉來。吹詩達京縣。讀之見君心。寧徒見君面。拔草不易絕。割水終難開。行雲會有時。飛下巫陽臺。莫信長安道。花枝滿樓好。白馬繫春風。離愁坐將老。

第二句總冒起
秋胡子蘇秦妻何
等適切

言簡而情不盡
風從以下四句承
相思來
拔草以下四句承
不須啼來而造句
最奇 末四句再
應我非秋胡子意

結

名賢之裔而為娼
妓使人歎嗟
白樂天為名賢奏
買其舊宅賜子孫
與姚氏同一佳話

緹縈陪起

自縈云云先叙前
段
當筵云云轉入後
段

真氏女 并序

余在史館日。談次有言。姚文公承旨翰林時。嘗飲玉堂。有侍姜閩語者。詢之。乃真文忠公裔孫也。父為堯庫。負縣官錢。鬻之以償。遂流于娼家。公愍之。白于執政。落其籍。以嫁院吏黃棣。棣後至顯官。同館之士。聞之多賦詩者。余亦為作一首。〔真氏山序〕真氏。建寧人。西山之苗裔也。公憫之。遣使白丞相。三寶奴為落籍。以妻翰林。閩官王棣。裝資皆出于公。棣字棣華。後官至翰林待制。

妾恨非緹縈。〔史記〕介公傳。淳于意。以刑罪。當傳。西之長安。意有五女。隨而泣。意怒。願入身為官婢。以贖父刑。上書動天子。自鬻償縣官。幸得脫。父死。誰知

故相家。失身居狹斜。遂令園中柏。翻作道旁花。當筵唱金縷。〔杜〕杜秋娘詩。秋持玉。醉與唱金縷衣。朔客驚閩語。相問忽相憐。開籠放鸚鵡。〔唐〕書。新羅傳。羅王獻女樂二。太宗曰。比林邑獻鸚鵡。棄置舞衣裳。新理嫁時裝。良人身

作吏。不是販茶商。花釵映羅扇。初與郎相見。貴賤古難常。妾心

莫掌官錢穀應前

那敢怨願郎去作官莫掌官錢穀生子但生男家門免多辱

送李架閣赴山西行省

〔架閣見卷五〕〔元史〕世祖至元元年立諸路行中書省以省官出領其事軍國重務無不統攝〔地理志〕山西始統于中書省至元四年復改爲行中書省

踰河望晉直起萬里以下先叙山南

日暮踰大河〔一統志〕太原府形勝左恒山右大河北望古晉疆〔一統志〕太原西貢冀州之域分置并州春秋爲晉萬里饒風沙地接戎與羌翩翩并州兒〔李白詩〕經過燕太躍馬能挽強

聖皇句轉

古來事爭奪百戰在此場聖皇剗群雄撫劍定八荒

建侯句入叙行省

都建侯樹藩方〔明通紀〕洪武三年封第三子樞爲晉王披榛開幕府〔史記〕李牧傳市租皆輸入幕府〔注〕古者出征以

所期句應

賓從皆才良所期偃甲兵民物自此康山河罷險阻

君行云云送意正結

沃野多耕桑君行願努力遠別庸何傷

送王哲判官之上黨

〔漢書地理志〕上黨郡秦置屬并州〔一統志〕今太原府平定州

群材萃京師有若奔海川蓋簪向華館〔易〕朋唯君最韶年忽行佐名邦輟理金匱編〔劉禹錫詩〕常時朝辭紫闕下暮宿黃河壩馬

群材陪起忽行句入之官

馬上數句寫上黨句格雄渾應佐名邦結

上看太行日落萬里煙峨峨天井關〔漢書地理志〕關在高城鬱相連遺氓得少安時清罷戈鋌〔漢書〕錯傳此亟行勿憚遠聖意煩承宣

登句容僧伽塔望茅山

〔江寧府志〕句容崇明寺在東北隅晉成熙中建名義和宋太平興國年改今額寺有浮圖甚峻鐘樓有趙子昂題扁〔茅山見卷五送蕭隱君〕

高登大士塔〔柳宗元〕無性和尚碑遙望仙人峰茲峰夫何如玉削三

芙蓉〔李白詩〕太華三芙蓉雲深句曲樹日落華陽鐘〔江寧府志〕茅山中有華陽洞華陽西洞諸勝長

君昔飛昇〔神仙傳〕茅君弟仕至二千石嘗之官鄉里送者數百人茅君在座乃曰余賓客並至〔大〕宴會茅君與父母親族辭別乃登羽蓋車而去騰幡翳雙駕挾雙

白龍〔風〕飛禽翔獸置其上流霞彩霞霞霓繞其右左去家十餘里忽然不見駕挾雙

白龍至今學道處洞府留靈蹤丹泉夜吐光〔江寧府志〕大茅之巔有泉曰天池大旱不涸

我愚塵世苟自容胡不鍊爾形歸來蔭長松望仙咫尺間不隔

慣家句法

雲海重。真訣儻肯授。執鞭願相從。

贈楊榮陽

（見卷三懷十友）一統志榮陽屬開封府。

楊氏之先蜀嘉州人故自其地叙起

首叙其才學

好句法又其價家

嘉陵美山水。（一統志）嘉陵江在順慶府城東。唐置順州。明皇忽思嘉陵山水。假良江三百里山。一日而畢。亦復富文彥。楊君產其邦。材拔性高狷。布衣走名都。早入藝林選。（魏書）常爽傳。爽教授之暇。述六經。客屈稷下談。（史記）田完世文學遊說之士。如騶衍。淳于髡。田駢。接子。慎到。環淵之徒。七十六人。皆賜列第。王邀鄴為上大夫。是以齊稷下學士復盛。（注）齊有稷門城門也。游談之士。期會于稷下。中宴。（劉公幹公燕詩）植為魏太子文。出門得名聲。不假親舊援。匣劍未久埋。囊錐已先見。（史記）平原曰。賢士之處世。譬若錐處囊中。其末立見。今日請處囊中耳。使遂早得處囊中。吐詞實瑰奇。讀者心欲顛。刀鳴鬪夫勇。乃願脫而出。非特其未見而已。花妥笑女倩。（杜甫詩）花妥嬌猶蝶。如觀廣場中。百戲張曼衍。（漢西域傳）曼衍作巴俞都盧海中。極曼衍魚龍角抵之戲。平生眼無人。遇我獨相善。陌頭每並出。兩騎無後先。喜從兔園遊。（西京雜記）梁孝王築兔園。招延四方豪傑。慙受狗監薦。（史記）司馬相如傳。楊

名句錯出詩亦如百戲張曼衍

次叙其交情

親交可想

得意為狗監。侍上。上謂子虛賦而善之。得意曰。臣邑人司馬相如為此賦。君歌我固服。我賦君亦羨。墮筵吟帽。鳥踏席舞裙。茜醉中共笑語。往往雜諧謔。有時出城西。山水恣攀踐。巖眠曙猿驚。澗飲夏鶯囀。吳宮妓去榭。（見卷五靈巖寺僧開殿。）龍門剝陰苔。高什記題徧。歡遊正相酬。世事忽驚變。朋儔半生死。一往如激電。（梁昭明太子七製）激棹返江潯。君車赴淮甸。旋聞逐流人。居濠又移汴。（見卷三楊）一去何賈。空橐唯破硯。（蘇軾詩）我生無田食破硯。危塗晚行疲。欲進足如腎。狼來樹杪避。蝸走燈下見。渡河自撐篙。水急船斷牽。及至秋已深。舊褐風裂片。難尋高陽飲。（史記）鄭生傳。公引兵過陳留。鄭生踵軍門。上謂使者。非儒人也。空弔鄢陵戰。（晉書）魏武子與荆人戰于鄢陵。大佐山縣。（韓維詩）一從得官坐山縣。卑曹敢云辭。執版謁府掾。（後漢書）范滂傳。滂投版棄官。操乃囑。官庖盡炊藜。民賦半輸絹。（唐書）食貨志。凡授田者。丁歲輸粟二石。絹一疋。綬一。

以上叙其盛 歡遊以下轉入遭 過失意

奇幻百出如夏日 山陰道上奇雲萬 狀使人迎接惚忙 不暇

已奉徵官矣

已奉徵官矣

妙句解頤

又辭其官矣

我時四句波折

今春句正轉

逢君句正接

君言四句波折

以下正叙贈意

明祖創業太平氣
象寫出如畫

施二丈布加五之一。綿三兩。麻三斤。非蠶。蠶則輸銀十四兩。謂之調。低飛蓬蒿間。不異雉帶箭。陸游詩。壯哉帶箭雉。介死不顧。

有親寓京師。年老闕供饌。欲奉朝夕歡。去職胡敢擅。晨上宰相書。得歸遂微願。上堂具珍饈。吳人謂魚菜總稱。呼婦賣釵釧。杜甫詩。家貧賣釵釧。只待獻香醪。

我時別君久。問訊愧無便。空題憶君詩。細字書滿卷。今春被詔起。前史預編撰。始來長干門。楊柳正飛燕。逢君風塵餘。不改舊顏面。握手話苦辛。悲喜雜慶唁。客中雖無錢。自寫賒酒券。陸游詩。旋徵酒券何時足。

邀來臥東閣。月出初鎖院。宋史。職官志。凡所。晚漏上。天子御內東門小殿。宣詔而論。給筆札。書所得旨。稟奏。歸院內侍。鎖院門。夜漏盡。具詞進入。君言涉艱難。壯志今已倦。

回頭悟前非。夏名慕蘧瑗。原注。君近改名去非。淮南子。蘧伯玉行年五十。而知四十九年之非。我聞棠谿金。史記。蘇秦。海韓卒之劍。不。畏。經。百。鍊。胡。為。暫。失。路。遽。欲。老。貧。賤。吾。皇。奮。神。武。西。海。始。安。奠。棧。通。諭。夷。文。

史記。司馬相如。通。夜。郎。西。域。中。發。巴。蜀。吏。卒。千。人。郡。又。多。為。發。轉。漕。萬。餘。人。用。與。法。誅。其。渠。帥。巴。蜀。民。大。驚。恐。上。聞。之。乃。使。相。如。責。唐。蒙。因。喻。告。巴。蜀。民。以。非。上。意。棧。道。見。卷。一。行。路。難。驛。

走徵士傳。明通紀。洪武元年九月。下詔求賢。二年。詔修元。史。三年。詔開科取士。四年。二月。親策試進士。時巡抗霓旌。上林苑。旌。旗。靡。肆。觀。冠。星。弁。

功成萬瑞集。禮欲議封禪。司馬相如傳。家。居。茂。陵。天。子。曰。司。馬。相。如。病。甚。可。往。從。悉。取。其。書。使。所。忠。往。而。相。如。已。死。家。無。書。問。其。妻。對。曰。長。卿。固。未。嘗。有。書。也。未。死。時。為。一。卷。書。曰。有。使。者。來。求。書。奏。之。其。書。言。封。禪。事。所。忠。奏。焉。君才適時需。正若當暑扇。手持照國珠。史記。田敬仲世家。魏王與。曰。王。亦。有。寶。乎。威。王。曰。無。有。魏。王。曰。若。寡。人。國。小。也。倘。有。徑。寸。之。珠。照。車。前。後。各。十。二。乘。者。十。枚。威。王。曰。寡。人。之。所。以。為。寶。與。王。異。吾。臣。有。檀。子。盼。子。黔。夫。種。首。者。將。以。照。千。里。豈。特。十。二。胸。出。補。袞。線。

詩。袞。職。有。綢。惟。便。應。上。金。鑾。鼠璞難自銜。劉。登。密。名。世。事。奏。立。對。被。天。眷。嗟。余。忝。載。筆。

禮。記。史。記。王。植。傳。夫。自。街。自。媒。者。士。女。之。醜。行。也。幸。茲。際。昌。辰。魏。闕。寧。不。戀。但。憂。誤。蒙。恩。不。稱。終。冒。譴。秋。風。楚。潮。滿。歸。舸。帆。欲。轉。君。若。念。故。交。殷。勤。一。相。餞。

寺中早秋

秋風入寺早。孤客驚離索。斜日數蟲懸。槐花雨餘落。砧聲起廢

縱橫自在妙喻錯
出東坡先生亦應
欲在矣

反照贈意為精大
妙

感憤可想

苑。簾。色。淒。高。閣。獨。憐。明。鏡。中。玄。鬢。猶。如。昨。

天界翫月 有序

可謂盛筵

洪武二年八月十三日。元史成。中書表進。詔賜纂修之士一十六人銀幣。且引對獎諭。擢授庶職。老病者。則賜歸于鄉。閱二日。中秋。諸君以史事甫成。而佳節適至。又樂上賜之優渥。而惜同局之將違也。乃即所寓天界佛寺之中庭。置酒為翫。月之賞。分韻賦詩。以紀其事。啓得衢字云。（明史）與

起手鄭重
存春秋之遺意可
知不荀 去留句
伏案 以上叙史
成獎賜
以下叙置酒翫月

聖主念前鑒。述作徵名儒。群來高館間。厠跡愧我愚。孰謂此責輕。毫端有褒誅。書成進丹陛。召對共拜趨。去留雖不同。雨露均沾濡。已淹三時勞。可廢一夕娛。况逢端正月。（韓愈）當

用筆有次第 皓月朗然高與可想

添亦有一句與上
金界句相映叙天
界佛寺用筆一絲
不走甚精 明長
二句帶起惜別
人生句以下承惜
別意發論感歎為
結 願各云云足
見交誼之正 未
二句竿頭進步有
無限之情趣

首句秀二句鐘隱
然藏樓名甚巧
三四句倒接寺樓
利出以下四句正
接寫樓上景
願言以下致慕羨
意為結

空照眉鬢流。光滿金界。（劉洽）登慈恩寺詩。境與人間殊。廣庭布長筵。嘉肴薦芳腴。豈唯多士集。亦有名僧俱。興酣貴形忘。諧笑不復拘。觴行豈辭勤。仰看轉斗樞。明晨即分袂。此樂誠須臾。人生四海間。相見皆友于。（杜甫）山鳥不知誰使令。流蕩無根株。忽然此相遇。旋復成天隅。願各崇令名。逍遙步亨衢。（易）何天明年重見月。相憶當長吁。

寄題鄞縣青山寺鍾秀樓 寧波

東湖秀可攬。（一）統志。東湖在府城東。受七十二溪之流。民不苦旱。舊名萬夙所聚。聞有釋子居雲中。構層宇。剝出辨遠岑。（韋應物）詩。帆迴識修渚。島外月上海。虹邊樹含雨。願言此登眺。去作逃禪侶。（杜）詩。蘇晉長齋。佛前。西崦暮鐘時。憑闌共僧語。

曉出趨朝

警騰可誦

正冠出門早。杳杳鐘初歇。嘶騎踏嚴霜。鴛鴦起殘月。透迤度九陌。窈窕瞻雙闕。長卿本疎慢。世說王子猷。共賞高士傳。及贊子猷。未若長卿慢世。深愧陪朝謁。

送顧式歸吳

顧君野王孫。松江志名臣。傳野王字希馮。吳郡人。仕陳。遷黃門侍郎。光祿卿。知五禮事。受贈祕書監。右衛將軍。與我生共縣。故鄉未曾識。却在他鄉見。留連忽東還。長揖袖詩卷。自言吳中好。稻熟湖蟹賤。欲臥煙雨舟。醉讀三高傳。姑蘇志。三高祠。在吳江。雪灘上。祀越范蠡。魯瑛。韜。唐陸龜蒙。余方謬通籍。講帷近清殿。故園豈不懷。君恩正深戀。遠欲謝鄉人。殷勤附君便。江寧府志。御溝。在御道兩旁。

御溝觀鷺

白雪泛金塘。范成大詩。無限。驚波翻白雪。群翻動曙光。危樓翹獨趾。龜照野鷺賦。劍雙翻于水。亂唼引修吭。禽經。鴨。則引吭。池中鵠可並。漢書。昭帝紀。黃鵠下。廷于林隈。

寫意結

內鷺難行。詩。振鷺。鷺小不踰大。飛有次序。百官緝神之象。自憐觀詠者。江湖興未忘。

夢姊

我家白頭姊。遠在婁水曲。昨夜夢見之。千里地誰縮。神仙傳。費長房有神術。能縮地。脈千里。在自。田家句以下展開不知別已久。尚作別時哭。覺來旅齋空。風雪灑窗竹。田家有弟妹。終歲喜相逐。我非王事縻。胡忍離骨肉。城東先人廬。尚有書可讀。何當乞身還。親為姊煮粥。唐書。李勣傳。字懋功。本姓徐氏。性友愛。姊病。嘗自為粥。而療其須。姊戒止。答曰。姊多疾。而勣且老。雖欲數進粥。尚幾何。

荅定水寺芭公

日晏初出院。閒齋一蕭然。忽枉名僧書。始知在清泉。憶昔雲巖居。共締林中緣。夏陰繞澗吟。秋霽開閣眠。啖合苦難常。別來歲頻遷。趣同貴道在。跡異慙名牽。明月出東海。想照空山禪。無因荷衣襍。往禮高峰前。列朝詩集。復見心傳。定水寺。在鄞縣雙林。

亦一知已也

謝謝翰林留別

有序

啓與同郡謝君微同徵。又同官翰林。洪武三年七月廿八日。上御闕樓召對。擢啓戶部侍郎。謝吏部郎中。俱以踰冒辭。即蒙俞允。賜內帑白金。放歸于鄉。

（姓譜）謝微字元齡。長洲人。洪武初。應召授。授翰林編修。兼教功臣子弟。辭歸。洪武六年。再起爲國子助教。工文辭。與啓齊名。

前半叙同徵同官

江左稱謝家。（蘇賦）詩江左風流王謝家。奕葉多名人。君今復秀發。瓊枝邁風塵。

顧余忝鄉里。才華敢論美。丹詔偶見徵。雲蘿欵同起。（儲光義詩）下

垂陰。謁帝入九關。（白居易詩）皓色分明雙闕榜。清光深到九門關。咫尺瞻天顏。從茲謬通籍。

接武諸公間。（曲禮）堂上接武。朝侍青坊讀。（初學記）青宮一曰春宮。太子宮也。唐書百官志）東宮官。春坊庶子中允。掌侍從

叙在官中之狀句
句有典用筆自在
才調可見

正啓奏。夜陪玉堂宿。（夢溪筆談）唐翰林院在禁中。乃人主燕居之所。玉堂承明金殿。皆在其間。又學士院玉堂。太宗嘗夜幸。蘇易簡爲學士。

已寤。適起無燭。具衣冠。宮娥自窗格引燭入照之。至講罷分御羹。（李陽冰）李白詩今窗格上有火。然處不更易者。爲玉堂一盛事也。

出入以下二解散

吟成刻官燭。（見卷五）出入在兩宮。（師叩鉢注）

東前牛

宮集。與君無不同。自慙本鷗鷺。（陸游詩）鷗鷺亦得隨鷗鷺。

朝朝禁門下。（唐書）劉知幾傳。近代之史局。皆稱禁門。聽雞共騎馬。上國多故人。

情親似君寡。並命超列卿。（岑參）章良外家花樹

中段叙同擢同辭
同歸吳中

寵極翻憂驚。我叨掌國計。（賈誼）宋朝戶部之職。初歸三司。元

佐持銓衡。（唐書）百官志。吏部掌文選。勳封考課之政。以銓之法。官天下之材。晉

借辭向明主。叩天聽天語。勅賚內帑。（漢書）疏廣爲太傅。兄子受爲

金東還特相許。拜賜出皇都。人言似兩疏。（漢書）疏廣爲太傅。兄子受爲

月明照宮錦。（宮錦袍見卷六）同權入中吳。

吳中故鄉道。兩歇秋光好。青山度水迎。喜我歸來早。落日下長

洲。分攜忽解舟。如何到家喜。却有別君愁。別君去還邇。只隔吳

江水。（杜甫詩）得并州快剪刀。取吳松半江水。離思與秋長。蘆花三十里。來往片帆通。

相期作釣翁。高歌離鄙野。猶可贊王風。

兩疏用典最切

二高士同亦有李
郭仙舟之概

吳中一解收束中
段讀至青山二句

名句解頤
末段叙酬留別

真情真詩措詞之
妙近人不能夢見

一結寓意深遠

奇對喜人

過白鶴溪

一統志白鶴溪在常州府城西。西南北通運河。南入太湖。

昨發白鷺洲。江寧府志白鷺洲在府治西南。即太白所稱二水中分者是也。今過白鶴溪。溪流幾迴轉。只在晉陵西。一統志常州府。東晉曰晉陵。月出女猶澆。雲深猿自啼。茅峰雖咫尺。一見卷五送蕭隱君。追奇趣。即此凌丹梯。

至吳松江

快意可想

江淨涵素空。高帆漾天風。澄波三百里。歸興與無窮。心期弄雲月。迢遞辭金闕。杜審言詩。雲標金闕迴。晚色海霞銷。秋芳渚蓮歇。久別釣魚磯。今朝始拂衣。忘機舊鷗鳥。列子海上之人好鷗者。每旦之海上。從鷗鳥遊。取來。吾玩之。明日之海上。鷗鳥之至者百數。其父曰。吾聞鷗鳥皆從汝遊。舞而不下。注鷗。謂之知機。聖。相見莫驚飛。

始歸田園二首

辭秩還故里。永言遂遐心。豈欲事高齋。居崇自難任。清晨問田廬。荒蹊尚能尋。秋蟲語左右。翳翳桑麻深。別來幾何時。舊竹已

首二句破歸田下。二句原所以辭秩。中六句寫田園後。六句寫歸字。

宣布帝德意可知也

成林。父老喜我歸。攜榼來共斟。一作問。知天子聖。歡然散顏襟。相期畢租稅。歲暮同謳吟。

其二

白露蕪草木。荒園掩窮秋。歸來一芟理。始覺吾廬幽。高柳蔭巷疎。清川映門流。落日望禾黍。離離滿西疇。乍歸意自欣。策杖頻覽遊。名宦誠足貴。猥承懼愆尤。早退非引年。皇恩未能酬。相逢勿稱隱。不是東陵侯。史記蕭相國世家。召平者。故秦東陵侯。秦破。為布衣。貧。稱也。瓜。子。長。安。城。東。瓜。美。故。世。俗。謂。之。東。陵。瓜。從。召。平。以。為。名。

睡覺

爐熏霽宿潤。秋滿牀屏裏。曙色透窗來。幽人眠未起。風驚露樹怯。日出煙禽喜。却憶候東華。宋史地理志。東京宮城。周圍五里。南三門。中曰華。北一門。曰拱辰。夢溪筆談。今學士初拜。自東華門入。至左承天門下。馬。朝衣寒似水。

有遺透自適意。露樹怯烟禽喜。奇。一結宜領首外之意。

閑澹有情趣

達人之語

先言辭官之適
背邱勇退非陶非
白則自一道也而
稍近於白故有是
作也
曠放可想
申言所以早辭之
故
比喻妙絕可謂筆
端有舌

與王徵士訪李鍊師遂同過師林尋因公

玄館啓眞境。紺園闕清香。（度信詩）由句紫紺園。茲晨兩地遊。乍出羈煩鄉。
鳥鳴桂花落。澗戶秋風涼。開士演金偈。（李白贈僧詩）衡岳有開士。五羽峰秀眞賞。又談經演金偈。
人薦瑤觴。（風原遠遊仍羽人于丹邱兮。留不死之靈鄉。注）羽人飛仙也。亦有詞苑英。清芬吐華章。愧
我自微起。束帶忝周行。山林久在念。那期復來翔。睽合固知妄。
去來亦何常。誰言道各異。妙契宜相忘。

效樂天

誰言我久賤。明時已叨祿。誰言我苦貧。空倉尙餘粟。辭闕是引
退。還鄉豈遷逐。舊宅一架書。荒園數叢菊。俗緣任妻子。家事煩
童僕。性懶宜早閒。何須暮年促。猶著朝士冠。新裁野人服。杯深
午醉重。被暖朝眠熟。旁人笑寂寞。寂寞吾所欲。終老亦何求。但
懼無此福。功名如美味。染指已云足。（左傳）楚人獻鼈于鄭靈公。子公之食指助以示子家曰。他日我如此。必嘗

足字承上足字爲
結筆力千鈞

大全集凍作江
適是詩家清景
大全集閉作吐恐
非因作固似是

亦得老莊之旨

異味及食大夫冠。召子公而弗與也。子公怒。染指於鼎。嘗之而出。何待厭飽餘。腸胃生痰毒。請看留侯退。
遠勝主父族。（史記）列傳主父偃爲齊相。發齊三姦事。王自殺。上大怒。遂族主父偃。我師老子言。知足故不
辱。

新春飲王七孝廉家

凍雨靄江郭。寒姿變春華。鳥欣已交音。梅慘尙閉花。此時高堂
上。晨起獨感嗟。歲換因有常。時清樂無涯。蕭蕭風吹巾。竹外度
遠沙。相過偶一醉。今夕憐酒家。

詠軒

肅肅布華榻。泠泠罷朱絃。臨檻一流睇。幽事忽滿前。池草方依
微。庭柯正蔥芊。偶爾發孤詠。聊茲寫中悵。景融理自得。詎辨蠟
與妍。猶慙至妙意。寂寞非言宣。

施君眠雲堂

（原注）君字可堂。眠雲其號也。

起手四句分說眼
雲二字以為總冒

申說眠雲之狀甚
妙

大全集與作雨大
非

又說平生二句意
奇語錯出筆態飛
舞

變化二句收束
奈何句一轉與自
家比較一番以為
結

古弁一高士。〔北史李雄傳〕新羅營遣使朝貢。雄與語。因問其冠。白雲與之儔。

〔陶弘景答梁高祖詩〕山中何所有。嶺上多白雲。只可自怡悅。不堪持贈君。性懶復好眠。招雲宿。一作林邱。下雲

作簾席。上雲作衾裯。雲去稍舒膝。雲來正蒙頭。平生無心夢。與

雲兩悠悠。自言眠雲樂。世無一可侔。浩然身欲飄。若乘無倪舟。

〔李白詩〕一乘無倪舟。八極縱遠柁。朝至乎帝鄉。夕返乎仙洲。寧知日月旋。但覺乾坤

浮。天雞叫不醒。窅窅空巖幽。我觀山川氣。出入不可求。或逐鸞

鶴翔。或從蛟龍遊。或為風伯驅。〔史記〕司馬相如傳。召屏翳。誅風伯。而刑雨師。〔搜神記〕風伯者箕星也。雨師者畢星也。

狼藉不得收。或遭雨師怒。奔走無停休。小生膚寸間。〔公羊傳〕胸石而

合。不崇朝而偏雨乎天下者。唯泰山爾。〔正韻〕四指為膚。大覆遍九州。變化實多狀。欲算苦費籌。奈

何一室中。爾獨解使留。〔朱希真詞〕累奏留。〔陸機〕月章。我行塵務區。願出久末由。

舉足常防危。開眼即見愁。不如閉戶眠。往尋孔與周。愧無山中

緣。雲肯相從不。惟當去一作往從爾。一夢三千秋。

臥病東館簡諸友生

有光陰如箭之慨
大全集慘作盡殊
懷作如殊俱非

抱疾臥東城。文墨成久荒。翔鴻乍流響。時菊忽殞芳。繁陰慘不
舒。何殊懷積傷。良儔秉高誼。寡昧豈見忘。車馬限泥潦。無由接
華觴。平居歡固難。况乃時非康。何以度茲運。相勗蹈其常。

荅張院長雨中見懷〔原注〕志道。

林園寢扉掩。閒坐道心生。山藥翻寒色。塘漪含曉清。乍違枉芳
札。〔韋應物〕寄子西詩。傷離。在芳札。析送見心曲。遠憶愧深情。此日知同寂。梧窗聽雨聲。

暮途書見大全集誤作春日言。今從。〔陸機〕集。改正。

暮歸東市門。道路聞悲啼。駐馬一借問。答云征人妻。征人新戰
歿。飲恨沉黃泥。有兒在哺下。飢來食無糜。誓將割茲愛。棄去從
東西。我看巢中燕。維長隨母飛。皇天仁萬物。兼照理弗違。此獨
何奇偶。不能與之齊。躊躇去復顧。使我心肝摧。

使人慘然

幽致可掬

今日行清韓國境
內者宜有遺憾之
感

客行阻風濤。捨舟步江側。荒村經戰餘。草木盡愁色。夜投土屋中。（歐陽修詩）雨昏春寒土風深。月出林半黑。然薪燎我衣。炊黍作我食。（一作長）關塞寒。歸夢何由得。遙想倚閭親。（戰國策）王孫買母曰。汝朝出而晚來。則吾倚閭而望。中宵淚沾臆。

送張隱君歸耕西山

山中久無人。秋風桂枝衰。朝逢還山客。言趁（一作）白雲期。人出君乃遁。嗟哉此何時。東岡有良田。負耒當自治。四體雖云勞。歲晏可免飢。而來未能返。驅車竟何之。

過硤石（見卷）

青山夾長溪。溪上有魚市。土門閉落日。（杜甫）垂老別。土門壁甚堅。野氣白于水。虎行車跡外。鳥起鐘聲裏。吳語問居人。到州還幾里。

西山起 第三句
接入歸字
東岡句正寫耕
對照結
形容逼真

送劉使君

去年送使君。路遠已海湄。今年送使君。路遠復過之。路遠豈足言。人遠自可悲。夕宴鮮共歡。晝出乏並馳。君懷孰可語。予過疇能規。此行剖竹符。（史記）孝文本紀。初與郡國守相。為銅虎符。竹使符。注。竹符。東。方撫。惇。嫠。（王禹偁詩）萬家呼。父母百里撫。惇。嫠。王事正靡盬。奚暇及爾私。但令中弗遷。庶以慰所思。

送周將軍請老歸耕

鞍馬息戎役。筋力喜尚全。買牛西岡垂。聊復治廢田。零雨何濛濛。決流亦涓涓。良苗及時新。（陶潛詩）平疇交。暹。風。其。苗。亦。懷。新。人情一欣然。甘此耕耘勞。忘彼富貴妍。心同老農夫。閔閔望有年。（左傳）閔閔焉如。家。廩儻得高。尚願輸資邊。

夜登南樓觀月

從耕字挽抱戎役
寫出不忘効忠意
則未老前可知
措詞溫厚如讀歸
去來辭

前六句先字乍字已字轉字逐層寫難懸念一句結出益奇格也

迢迢海上樓。月出嘗先見。吐嶺乍分規。〔黃庭堅詩〕新月吐半規。臨波已澄練。〔謝玄暉詩〕澄江淨如練。蒼茫城闕閉。歷落星河轉。毋違中夜歡。皓景應難戀。

題徐良夫耕漁軒

〔姑蘇志〕軒在光福。良夫有文學。所交皆名士。為題詠者甚多。○此從金蘭集補。

朝聞孺子歌。聽梁甫吟。〔見卷四魏使君〕豈無滄洲懷。亦有畎畝心。

昔賢在泥蟠。〔蒼資戲〕泥蟠而天。飛者。應龍之神也。終當起為霖。〔世說〕命若歲大旱。用汝作霖雨。鈞獲溪

上璜。〔竹書〕注。文王至子。帝溪之水。呂尚釣于涯。王下趨拜曰。望公七年。乃今見光。璜。子斯。尚答曰。望鈞得玉璜。其文要曰。姬受命昌。來提提爾。洛鈞報在齊。鈕

揮瓦中金。〔世說〕管寧華歆共園中鋤菜。見地有片金。管寧揮鋤。與瓦石不異。華捉而擲去之。茲世方喪亂。伊人邈難

尋。既迷煙波濶。復阻雲谷深。嗟我豈其偶。聊將學幽沉。〔柳宗元〕詩。幽沉

唯子是同袍。相期莘渭陰。〔謝世〕

臯橋

〔姑蘇志〕臯橋閶門內。漢臯伯通居其側。梁鴻所寓也。○此從志補。

閶門啼早鴉。拂面見飛花。綠水通螭舫。〔蘇軾詩〕映山黃帽。頭粉。紅橋過。犢車。

誰尋伯通宅。〔陸龜蒙〕臯橋詩。今來未必無人。伯通。非梁孟却是無人。伯通。只問秦娘家。〔劉禹錫〕秦娘歌。引秦

世間往往有如此事

一結寓耕漁意甚妙

鈞獲句是流

鈞獲句是耕

〔章莊詩〕美人金犢車。

曠達可想

〔所歸〕。日抱樂器而哭。維客聞之。為賦其事。詩曰。秦娘家本閶門西。門前綠水環金堤。無

賦得小吳軒贈虎邱蟾書記

〔虎邱志〕軒在東南隅。飛架出巖外。勢極峻。蟾。平林遠水。聯岡斷隴。煙

〔火〕。萬家。盡在檻外。朱樂圖文。稱小吳會。張氏名。天開圖畫。好事者云。過吳而不登虎邱。俗也。登虎邱而不登小吳軒。亦俗也。○此從虎邱志補。

丹霞結飛甍。迥出鷲嶺上。〔山海經〕。西域有靈鷲山。〔謝靈運〕。山居賦注。靈鷲山。說般若法華處。平招西山

雲。淺挹東海浪。五湖水如杯。歸棹安可放。當年笑夫差。乃欲百

里王。吾觀大千界。〔維摩經〕。維摩詰左手斷取三千大千世界。著右手掌中。又復還置本處。不使人有往來心想。等彼一塵

相。〔蘇軾詩〕。下視萬九塵。始悟軒中僧。非真亦非妄。

寓興三首

〔以下二十一首。從樓軒集補。〕

有鳥來萬里。海寒遇天風。群飛忽四散。雲路不得從。珍羽已摧落。襍裊向深叢。雖無金丸懼。〔西京雜記〕。韓嫣好彈。常以金為丸。所失者。日有十餘。長安為之語曰。苦飢寒。逐金丸。飲啄常弗充。悲鳴顧霜雪。欲托無高松。黃鵠何時來。銜我出蒿蓬。

其二

無乃乏士氣乎

有女乘煙霧。出遊在江濱。麗服飾珠翠。光輝比陽春。借問誰氏子。乃是洛浦神。杜牧詩誰家洛浦神。自非瑤臺侶。誰能得相親。空懷纏綿意。日暮無由伸。

其三

有客愛遠遊。驅車上高山。東海不盈攬。博桑低可攀。欲與仙人期。翱翔彩雲間。白日忽然暮。風霜慘容顏。徘徊望鴻鵠。失路何當還。

褚彥中存耕軒

褚翁江畔居。家無二頃田。所保方寸地。欲為子孫傳。畫以仁義畦。禮運本仁以聚之。又禮運修禮以耕之。又禮運以安之。得書為耒耜。躬耕可終焉。去惡如去草。左傳為國家者見惡如農夫之務去草焉。不使得蔓延。左傳無使滋蔓。沛若時雨化。良苗已芄然。所獲亦既多。豈止三百廩。詩胡取禾三百廩兮。

三首俱不免寒乞態未肯耶之至者

措詞偉麗學田躬耕益我黨人也

茫茫天下皆是類也

奈何謀富人。兼并連陌阡。已田不解芸。茅塞誠可憐。嗟翁豈老農。遠勝樊子賢。有德自足飽。何憂值荒年。

九日

茲晨豈不佳。秋日麗川陸。幽人自悽感。坐念頽運速。去年登高會。朋舊俱在目。霜前紫蟹肥。露下紅稔熟。空山有棲鳥。歸駕不忍促。今年客江臯。落日吟影獨。逢辰少歡意。愧此籬下菊。人生苦難知。世事差可卜。但須酌柴桑。有酒吾自漉。

過羊腸嶺原注在天平山。

我昔江湖遊。命寄一葦輕。今朝籃輿穩。愛此山中行。松風與澗水。故作波濤聲。初登羊腸嶺。畏聞羊腸名。入林穿蒙密。出谷擇曠平。雖非太行路。車馬恐敗傾。我何數乘此。要識艱險情。

登竹竿嶺原注在花鹿山。

松風澗水相和為波濤聲籃輿過其間清快可漉

吟影獨字奇已做柴桑矣未必歎嗟幽獨

眼前風物可皆入詩也

奇景奇句未經人道
余固有烟霞癖而
足不出都門二三
年讀道等詩稍覺
其辭耳乃作一轉
語曰好書如好景
追尋詎能閑阿阿

一結蒼然古色可
掬

曲徑隨麟蟠。高枝作猿攀。力盡到頭頂。始見湖中山。煙雨過空
鏡。曉沐西子鬢。好景如好詩。追尋詎能閒。朝飲白雲泉。蘇州府志在天平山
夕渡明月灣。蘇州府志在洞庭西山自笑俗緣在。未窮遽言還。應知他夜夢
猶在山水間。

賦長洲苑送徐孟岳

江邊採芳遊。花過鶯聲寂。風牀柳觀琴。月舫蓮塘笛。豪華已非
舊。恨與煙蕪積。方嗟既往人。復送將歸客。回首望蒼蒼。遙山雨
中夕。

送金海虞見卷四送李使君還海虞

青青堤邊柳。鬱鬱當春榮。漫漫悲路長。戚戚念子行。子在車同
馳。子去觴獨傾。乃知失群鴻。不若求友鶯。山川間音問。何以慰
我情。唯其布嘉惠。海隅聞頌聲。

深厚之言

秋夜懷張參軍思廉

懷張倒叙
秋風句以下接入
秋夜
一結正寫秋夜懷
友

亭亭雲間樓。皎皎樓上人。相望如明月。此夕東海濱。秋風忽驚
客。梧葉鳴聲頻。不寐繞飛檻。高步詠道真。誰憐荒園中。幽臥愁
難親。露寒砌蛩急。相思空達晨。

送陳秀州一統志嘉興府五代曰秀州

如讀豈可潛蹈災
行使人凄惻不已
虛吏專橫可憎細
民困厄可憫
眞實議論治民之
要不外于此數句
也

我行秀州野。馬首迷荊榛。路逢病老翁。涕泣說苦辛。前年亂兵
來。殺戮存幾人。崎嶇墾舊田。欲活未死身。官府事徵索。書版日
下頻。李也劉知柔神道碑點丁不遺孤。王庭珪詩喧呼傳輪穀不待新。
屋中兒啼嗥。門外吏怒嗔。豈無凍餒憂。天遠不可陳。我初聽此
語。迴思一顰呻。國家昔平治。九土貢賦均。中間致茲變。主吏失
撫循。須知奮挺徒。原是負耒民。虐之乃為敵。愛之則相親。此邦
固易治。風俗自古淳。奈何不加憐。使作涸轍鱗。李商隱文活枯鱗于涸轍因留

似自韓昌黎送董
召南序化出

告老翁。無為重沾巾。歸當率子弟。努力耕作勤。除書已報下。太守今甚仁。

暮行園中

陳懶是讀書人之
常套彼我古今皆
然為之失笑
如為我設者妙絕
妙絕

我懶不自耕。廢地茅屋東。雨露日夜滋。鬱然長榛叢。翳翳荒蹊長。漉漉暗溜通。時因讀書餘。曳杖行其中。爭晚集亂雀。吟秋聒微蟲。幽興苟自愜。芬華詎無同。容身有此所。孰謂吾道窮。

冬至夜感舊二首

中庭一轉寫時氣
悲感無窮
使後人復悲後人
也

今夕亦常夕。悲感何用并。寒月初死魄。（得）惟一月壬辰。旁死魄。沉沉閉層城。憶我為兒時。早起不待明。踉蹌試新衣。上堂拜父兄。於今幾何年。節序嗟屢更。中庭風木號。哀多尚餘聲。空復有兩孩。燈前語縱橫。挽須向我笑。（杜）甫詩。問事曉曉。寧解識此情。

其二

領舊思今多少感
慨

昔年偶失路。羈役戎馬間。南行越重江。歲晏不得還。風雪此夜中。投人宿荒山。豈無壯士懷。聞茄亦低顏。竭來東城隅。寂寞守故關。雖已忘家貧。尚復憂世艱。安居諒難保。風雨暗荊蠻。長歌深谷翁。邈矣焉可攀。

春日言懷二首

有白香山口吻

昔將理歸駕。棲彼商山岑。達機苦不早。終焉成滯淫。迴颺激游氛。白日滋玄陰。憂居未經時。素髮忽已侵。翩翩歸飛鴻。過我庭前吟。無翼與同翔。日暮關梁深。引領望西北。徘徊內傷心。

其二

季春戴勝鳴。（禮）月令。戴勝降于桑。疏。按。戴勝鳥。云。戴勝為頭上勝也。亦呼戴勝。薄言農功始。荒疇何莽莽。迨時不復理。蒙龍荊棘間。雉雉時決起。思我常所經。追隨俠游子。偶逢採桑婦。天天出墟里。舊蹊誰能尋。逝者竟如水。唐虞罷

諸篇蓋係于元末
亂離間之詩故往

往作悲慨之言

清絕高絕

少年意氣往往如此叙來有氣勢焉知句轉

寫客中歲末慘澹之景妙再轉入包同知

揖讓爭奪殊未已。吁嗟乎蒼生。何由免瘡痍。唐書顏真卿傳瘡痍痛未平。干戈日滋。

雨中遊寧真道院

盥手理瑤笈。清齋坐立閣。夏衣生晝涼。急雨和泉落。池消澹澹花。庭解翻翻籜。欲去更長謠。風林晚鳴鶴。

次韻包同知客懷

友。

原注師聖。列朝詩傳包同知聖字師聖。江陰人。號鶴洲野人。任岳州府同知。與高青邱楊眉菴為詩友。

我少未嘗事。處世百不憂。譬如生馬駒。奔放安可收。豪華欲縱觀。西秦夏東周。結交原巨先。漢書游俠傳原涉字巨先。性略似郭解。為南陽太守。共作緩急投。

焉知化紕繆。終然此淹留。出門逐途人。空策果下騮。魏志潁川傳樹下行。故名。元稹詩果下騮。翻紫駟。好。積雪被岡原。大風揚河流。撫茲歲

暮懷。局促誰與謀。君從東方來。亦是慷慨儔。偶居冷官廬。蘇軾詩冷官廬深。設席誦九邱。孔安國尚書序九邱之志。謂之九邱。惟火無膏油。起歎夜正幽。自

官無事。設席誦九邱。孔安國尚書序九邱之志。謂之九邱。惟火無膏油。起歎夜正幽。自

有所求而恥軟媚。是其所以于獻不一酬滿腹不平勃。勃難抑壓至此但有杯中物耳。末段措詞靈活如珠走盤。明人青邱子外恐無是妙。

憐非匏瓜。寧不有所求。恥隨軟媚子。梁都陵王綸詩關情出眉眼。軟媚著腰肢。取笑同伶優。大言衆皆驚。千獻不一酬。空時尋我飲。醉捋髯。颺君今勿多談。已具兩釣舟。鷗波起春江。歸路漸有由。無為坐自苦。素髮實易稠。

浦江鄭氏義門

姓譜金華浦江縣鄭文嗣。十世同居。凡二百四十餘年。而有恩。部使者余闕。為書東浙第一家。大和之孫。與弟湜。沂。洪。武。初。召見。慰諭甚至。問治家長久之道。以其孝友義聞天下。除湜福建參議。部尚書。

好鳥勿鍛翼。左思蜀都賦鳥鍛翼難為翔。佳樹勿剪柯。剪柯難為

芳。人生有同氣。胡忍自戕傷。肯復多支生。誰趨急難場。請看鄭家兄。為弟死維揚。姓譜浦江鄭綺。四世孫德珪。與弟德璋。孝友天至。世則繼。兄。夜之見。誣。乃陽謂曰。彼欲害吾。何預爾事。我往則姦狀白。即治行。德璋追至。諸賢道中。兄弟相持。頓足。爭欲就死。德珪給以無往。夜半同道逸去。德璋復追至。廣陵。德珪已斃於獄。德璋勸絕。斃四。負骨歸葬。廬墓。子孫復聚居。流芳久彌長。十世一門戶。百

諸賢恐誤倒

自鄭家之先叙來

比喻起

造語妙

叙來如見于子之
盛 雖生二句一發作
頓勢

名論不磨
至此更進一步為
結結得暢然

未足以為妙

身一肝腸囊無私藏錢。釜有同炊糧。問男何所為。讀書講虞唐。
問女何所為。鳴雞織流黃。晨興各冠珮。于于上高堂。聽翁教戒
言。祇受不敢忘。雖生甌越區。〔竹譜〕浙江以東為甌越。如在鄒魯邦。兩朝太史
筆。特書為褒揚。行人問其廬。喬木鬱蒼蒼。何須雞哺狗。〔韓愈〕哇哉
有狗乳。山求食。雞來哺其兒。家昌乃真祥。真祥由德生。天心果何常。我欲遊麟
溪。〔金華府志〕白麟溪。在浦江縣東。源出金容山。溪流入浦陽江。壽翁奉一觴。莫聽豆其詩。〔曹植〕七步詩。煮豆然豆其

送王檢校之廣東

〔續文獻通考〕金尚書省都事二員。正七品。知省內宿直檢校架閣等事。

國士抱立璞。賢師薦朱紘。質音豈不良。眾俗廼是捐。勿恤眾俗
捐。始味當終宣。志士邁時屯。歷說未見賢。朝遊秦關中。夕宿漢
水壩。遑遑詎無勞。亮節要自全。青鞵撫東師。重光麗中天。恢業
萃群材。虛若海受川。眷言屬茲寄。遠抗丹徼旃。〔隋書〕南蠻傳。漢平

〔注〕南方微赤色。故稱丹徼。南方之極也。高翰歛飛翻。孰得羈係焉。揚芬貴有烈。崇德願
無愆。願已尙留滯。殞涕沾前筵。

姚牧林軒

林居孰云陋。幽意欣自適。鄰無醉歌吏。室有立言客。風疎櫛當
晨。月皎琴御夕。塵駕眾何淹。窮年抱空寂。

書東圃老翁壁

此從集外詩補。

燕雀各已乳。飛飛風日暄。一徑入桑苧。幾家同灌園。莫將當世
事。閒與老翁言。

題王濛聽雨樓卷

此從鐵網珊瑚補。

春雲靄江郭。鳩鳴朝夢餘。樓中風颯至。煩抱澹雲除。歷歷亂橋
樹。蕭蕭窗影虛。如何門外水。泥潦沒行車。

天王寺

在洞庭山馬稅城桃花塢。此從林屋民風補。

煩抱字奇見意應
物詩
又高又雅

浮世紛紜之事不
足以污高人之耳
也

清新可喜

起手閑婉

深寺隱桃花。幽幽在山阻。諸天藤蘿外。昏黑路防虎。聞說春時遊。辛夷花可數。

周元公祠

〔原注〕在吳縣胥壑鄉。宋嘉定間。元公四世孫。和州觀察使。與裔奏立。後遭兵火。僅存遺址焉。○此從姑蘇雜詠補。

邈哉宋周子。襟懷迴無塵。精微闡太極。默契心自絕。遠慕羲皇畫。示我義皇人。道既倡東南。闡然韜吾真。祠燬罹兵燹。祀廢遺時屯。臨風一俯仰。恍惚如陽春。

登程明道之野本也
登程明道之野本也
此
登程明道之野本也
故能使人欽慕如

青邱高季迪先生詩集卷七

五言古詩之部

明治二十八年十一月廿八日印刷
全 二十八年十二月五日發行

定價金六拾錢

版權所有

評訂者

近藤元粹

大阪市東區博勞町四丁目二十七番屋敷

發行者

青木恒三郎

大阪市東區北久太郎町二丁目六十六番屋敷

印刷者

谷口默次

東京市日本橋區通堂丁目(電話七八九番)

發賣所

青木嵩山堂

大阪市東區心齋橋筋博勞町(電話五〇番)

全

青木嵩山堂

勢州四日市港豎町

全

嵩山堂支店

大阪市東區北久太郎町貳丁目(電話四參壹番)

印刷所

株式會社 大阪活版製造所

清金檀輯註
日本近藤南州先生評訂

增補高青邱全集

明朝續白紙全二十一卷
摺頁美本



以下出

- 卷首序原序例言詩評像贊本傳年譜目錄
- 卷一樂府 ●卷之二樂府琴操辭三言三四言
- 右三冊 正價金三拾六錢 郵稅六錢
- 五言古詩之部 全五冊 正價金六拾錢郵稅十錢
- 七言古詩 長短句體之部 全四冊
- 五言律詩 五言排律 聯句 之部 全四冊
- 六言律詩 七言律詩
- 五言絕句 六言絕句 七言絕句
- 補遺古今體詩 詩餘扣聲集之部 全五冊
- 附錄 書後哀詩 雜記

明ノ高青邱ノ詩ノ古今ニ妙絶ナル。天下詩林ノ熟知セラル。所ニシテ復々整飾ノ喋々發揚ナ俟タザルナリ。而シテ其全集ノ世ニ在ル至テ希ナリ。故ニ世人大抵詩醇詩鈔等。其選本ニ就キ。其一班ヲ親フノ已ムテ得ザルニ至レリ。然レモ其所謂大全集ナル者ハ。世間或ハ之レ無キニ非ズト雖モ。其詩句中典故事實ノ解シ難キヲ如何トモスル無シ。是ニ於テ復々其註釋ニ依ラザルヲ得ザルノ必用アリ。而シテ清ノ金星紹ノ輯註本ニ至テハ。最モ希有ノ珍本タリ。近日弊舖漸ク一本ヲ購得シ。乃チ南州先生ノ詳細校正ヲ乞ヒ。更ラニ先生常ニ愛讀セラレ。其要ヲ得セシムルニ至レリ。且ツ詩數ノ全集ヨリ多キ。實ニ百數十首ニシテ。殊ニ詩餘詩話等ヲ附録トセリ。夫レ先生ノ詩學ニ遠ナルハ。目下弊舖發行スル所ノ。燐雪軒詩話叢書ニ因テ天下ニ明カナリ。今此書モ亦々詩話ト同体裁トシ。印刷鮮明。製本美麗。而シテ五回ニシテ全部ヲ大成セントス。江湖詩ヲ好マルノ諸君。幸ヒニ一本ヲ購シ。以テ珍本ノ妙味ヲ分領セラレヨ。

螢雪軒叢書目次

第一卷目次	第二卷目次	第三卷目次	第四卷目次	第五卷目次	第六卷目次	第七卷目次	第八卷目次	第九卷目次	第十卷目次	第十一卷目次	第十二卷目次	第十三卷目次	第十四卷目次	第十五卷目次	第十六卷目次	第十七卷目次	第十八卷目次	第十九卷目次	第二十卷目次
詩式	詩式	詩式	詩式	詩式	詩式	詩式	詩式	詩式	詩式	詩式	詩式	詩式	詩式	詩式	詩式	詩式	詩式	詩式	詩式
詩式	詩式	詩式	詩式	詩式	詩式	詩式	詩式	詩式	詩式	詩式	詩式	詩式	詩式	詩式	詩式	詩式	詩式	詩式	詩式
詩式	詩式	詩式	詩式	詩式	詩式	詩式	詩式	詩式	詩式	詩式	詩式	詩式	詩式	詩式	詩式	詩式	詩式	詩式	詩式

高山堂藏版

